

Provincia Basi-
licensis.

Urbs Basilea.
Unde dicta.

Flumina.

fecere, & Helvetiis sacramentum dixerunt, hac conditione: si intra præfinitum tempus Dux Austrius eos, exercitu adducto, obsidione liberaret, ab Helvetico sacramento liberi, in ejus obedientiam redire possent. Cum autem vidissent sibi nullam in Austrio spem esse, Helvetico foederi se junxerunt. *Tugium* Pagus 11 habet partes, & in illis Conventus 14, ex quolibet autem Conventu 1x eliguntur Senatores qui regioni consulant. Opidum ipsum duorum Conventuum loco censetur. Ager vicinus tres Conventus habet, *Montanum*, *Vallem Egeriam*, sive *Aguas Regias*, *Baram parochiam*. Imperant autem *Tugini* Opidani per Præfectos in Vrbe commorantes his locis: *Cham* Opido, *Andrea* vico, *Hunelbergo Wacheville*, *Steinhuse* pago, *S. Wolfgango*. Hæc de priore hujus Tabulæ Provincia, sequitur altera, nimirum *Basiliensis*, ab inclyta Vrbe Basilea sic dicta. Dicitur & *Sungovia*, quod nomen a Sequanis deductum esse haud obscura est conjectura, quam etiam *Rhenanus* approbat, rerum Germanicarum libro tertio. Agrum habet Vini optimi, Frumentique feracissimum: ut etiam vicinis annonæ caritate pressis, succurrere valeant ipsius Incolæ. Sunt & Pecorum pascua lætissima. Hanc Regionem olim, Scudo teste, *Raurici* Ptol; Cæsari *Rauraci* infederunt, quos refert, Helvetiorum exemplo, omnia sua Opida vicosque, & quicquid ædificiorum habebant, exussisse. *Basilea* inclyta Vrbs hodie Regionis Caput. Hanc nonnulli *Basileam* dictam a Basilisco hic reperto, quorum opinio absurda est, volunt. Alii a *Basilena* Iuliani Imperatoris matre. *Rhenanus* a trajectu, quem lingua Romanensis, hoc est Gallica *Passum* vocat, ut sit dicta *Basilea*; quasi *Passilea*. Et addit; trajectum hoc loco fuisse verisimile esse, etiam dum stante *Augusta*, quod hic propter vallem per quam torrens è *Byrsa* ductus fluit, ripa sit humilior, & ob multas causas ad transitum aptissima, apud *Augustam* autem abrupta. Hanc tamen conjecturam *Munsterus* rejicit, autoritate *Marcellini*, qui Civitatem illam Græca voce *Βασίλειαν*, id est *Regnum*, vocat, quasi *Regnopolim* seu *Regiam* Civitatem. Alluitur hæc Vrbs *Rheno*, qui eam pene mediam dividit, nisi quod ponte unitur. Habet Vrbs ipsa commoditatem magnam a *Rheno*, quia ad eam plures sunt navigationes magnisque potest adiri oneribus. Passa est ante annos ducentos multos & graves terræ motus. Sed rursus est instaurata, & anno MCCCCLX a *Pio* Pontifice Academia ornata, quæ omnibus ab eodem donata privilegiis, juribus & immunitatibus, quibus fruuntur Academia *Bonomiensis*, *Coloniensis*, *Heidelbergensis*, *Erdfordiensis*, *Lipsensis* & *Viennensis*. Præfecturas habet *Basilea* quæ sunt; *Faren-Sperg* Arx; *Rufeld* in edito Monte sita; *Wallenburg* Opidum: *Homburgum*: *Munchenstein*: *Ramstein*. *Toggius* Comitatus ubi *Togwyl* opinor est, subest *Abbati* *S. Galli*, cum *Toggiiani* Cives sint *Suitiorum* & *Glaronensium*: *Rapperswyl* Comitatus: *Straesberg* Comitatus opinor, ubi *Straesberg* corrupte scriptum existimo: *Kilchberg* Baronatus. Reliqua *Tugini* Pagi & *Tigurini* habes in Tabula *Argow*. *Abbatia* Imperii in hac Tabula, quæ neque in *Suevico* Circulo, neque in *Germania* Univerfali monstrantur sunt *Reichenow*, *Schaffhusen*, *Kreutzlinge*, *Pfeffers*, *Pfefficon* opinor. Fluminibus hæc regio rivulisque rigatur pluribus, quos omnes tandem *Rhenus* recipit. Inter hos *Rhenus*, *Byrsa* & *Wisa*. *Byrsa* ex Iura monte per multas convalles *Basileam* usque devolvitur, plurima secum deferens ligna & lignorum rates. *Wisa* vero flu. ab opposita parte a *Nigra Silva* segregatur, adferunturque per eum plurimæ trabes ædificiis